

բիւլէ մինչև ցարդ: Եւ զմիտս վէզիրին յոր կոյս՝ չգիտեի ասացաւ ամենայն ուրեք: Եւ Սէյտին որ ի բերանն էր Մաճարին՝ առնէ յաղթութիւն մեծ որդոյն իւրով զբազումս¹⁾ կոտորելով, և գրէ առ վէզիրն. Չեմ աւելի քան զՀիւսէինն որ ոչ խնայեցեր, գիտեմ և ինձ զայն՝ բայց կամք քո է: Եւ զԻսմայիլն փորձէ այսպէս, ասէ. Որդեա՛կ իմ, դու ահա՛ տեսանես զծերացեալս, ի մահճի ևս զանկեալս, այսուհետև վէքիլ ես արքայի, պնդեա՛լ զմէջ քո արիութեամբ և կաց ի պատրաստի ամենայն գործոյ ի փառս արքայի: Եւ նա ասէ. Եղիցի ըստ բանի քում, կամ ի պատրաստ ապաւինելով²⁾ յաղօթս քո ո՛վ հայր պատուաւոր: Երկրորդ, ասացին թէ յորժամ էրն ի թէֆթիշի՝ բազում արս կոտորեաց ուր և հասանէր, և յէնկիչէրոց բազմաց մեծամեծքն որք աստ, և քէհապէկն մոմուեալ ոչ տեսին պատշաճ. ըստ այսմ, ասէ, խօսեցեալ լինի քէհապէկն վէզիրին: Երրորդ, տեսանէր՝ թէ բամք զօրաց կան կամեցողք Իսմայիլին ի վէզիրութիւն, վասն որոյ ինքն հիւանդանայր և ի փառս զայմախսամութեան զնա կացուցանէր անդ, զի այնու յայտնեսցի: Եւ ապա առաքէր ի բան ոմանց ասել թէ Յղեաց զի առաքեսցէ զգլուխ Սէյտին և կամ զգլուխ Ալիին և ինքն լիցի սէրէսքէր:

Յինն Յուսիսի որ Զչի երեկոյի կրակ անկանի ի Պուրսայ ի թաղս Հրէից, որք ոչ մերձենան ի կրակն վասն Շաբաթու գիշերոյն, մինչև բազում լինէր, ասէ, և մինչև ի կէս թաղին այրէր:

Եւ ի ԺԳ Յուսիսի ապա լինէր հացն ծլ տրամ և յետ այնր ոչ ևս օգտէր և այն: Եւ լինէր կրկին ևս ի Պրուսայ³⁾ կրակ և ընդ մէջ քաղաքին քառակողմի զամենայն չուկայսն այրէր ամենայն արհեստաւորաց:

1) զբազում.

2) յապաւինելով.

3) Բրուսայ.